

**Cov Lus Qhia Txog Kev  
Them Nyiaj Yug Me Nyuam**



Cov ntaub ntawv qhia txog kev them nyiaj yug me nyuam (case) muaj nyob ntawm Wisconsin Child Support Online Services (CSOS), ib lub website uas muaj kev ruaj ntseg tsis muaj lwm tus mus saib tau. Rau npe rau ntawm <https://dcf.wisconsin.gov/cs/csos/login> kom tau ib tus password uas tsis muaj neeg paub thiab mus xyuas tau cov nyiaj them rau ntawm CSOS. Yog xav paub ntxiv txog qhov kev them nyiaj yug me nyuam mus saib <https://dcf.wisconsin.gov/cs/home>.

## Dab Tsi Uas Txhua Tus Yuav Tau Paub

- Ob leeg uas yog niam thiab txiv yuav tsum tau qhia thaum pauv chaw nyob tshiab, cov nyiaj tau los, kev tuav pov hwm kho mob (health insurance), thiab kev ua hauj lwm.
- Nco ntsoov muab daim ntawv coupon, uas muaj koj lub npe thiab tus PIN (personal identification number), nrog qhov nyiaj uas koj them.
- Cov nyiaj uas tsis them yuav ua rau muab qhov nuj nqis thiab qhov nyiaj paj (interest) tsub nce siab ntxiv rau koj txhua hli.
- Kev tsis them cov nyiaj yug me nyuam yuav ua rau raug teeb meem raws txoj cai.

## Cov Ntawv Xaaj Kom Th m Cov Nyiaj Yug Me Nyuam

Tsuas yog tus kws txiav txim plaub ntug (judge) los yog tus kws txiav txim mloog qhov plaub ntug ua ntej (court commissioner) nkaus xwb thiab ua tau los yog pauv daim ntawv xaaj kom them qhov nyiaj yug me nyuam. Lub tsev hais plaub daim ntawv xaaj yog daim hais kom them cov nyiaj yug me nyuam, kev tuav pov hwm kho mob (health insurance), thiab xaaj kom them lwm yam kev siv nyiaj los yog nqi. Cov ntawv xaaj txog qhov yog leej txiv rau tus me nyuam yuav muaj qhov nyiaj kom them rov qab rau cov kev siv nyiaj thaum yug tus me nyuam thiab cov nqi uas them rau qhov kev kuaj ntshav kom paub noob caj ces tias yog leej txiv.

Tom qab kos npe rau daim ntawv xaaj lawm, yuav muab daim tseem cia nrog tus neeg tuav ntaub ntawv hauv lub county (county clerk) qhov chaw ua hauj lwm thiab muab ib daim luam rau lub chaw ua hauj lwm saib xyuas kev txiav nyiaj them yug me nyuam, leej niam leej txiv, leej niam leej txiv tus kws lij choj. Yuav muab cov nyiaj uas yuam kom them ntaus rau hauv xeev lub computer khaws ntaub ntawv hu ua KIDS, uas yog qhov chaw saib xyuas cov nyiaj them thiab cov nyiaj uas tseem tshuav tsis tau them tas.

Txhua tus neeg nyob hauv kev them nyiaj yug me nyuam yuav muab ib tus PIN thiab ib tus IV-D naj npawb (los yog raws li paub yog tus KIDS case number); uas yog lub chaw ua hauj lwm saib xyuas kev txiav nyiaj them yug me nyuam siv kom paub tias yog leej twg. Yog thaum ib leej niam los leej txiv cov nyiaj tau los los yog qhov muab tus (cov) me nyuam nrog nyob pauv, tus kws txiav txim plaub ntug los yog tus court commissioner yog tus hloov kho tau daim ntawv xaaj them nyiaj yug me nyuam. Yog yuav hloov kho ib daim ntawv xaaj, yuav tsum tau sau ib daim ntawv (ntawv cog lus pom zoo raws cai) los yog daim ntawv xaaj, muab xyuas los ntawm lub chaw ua hauj lwm saib xyuas kev txiav nyiaj them yug me nyuam, thiab raug pom zoo los ntawm tus kws txiav txim plaub ntug los yog tus court commissioner. Tej zaum kuj yuav tau them ib qho nqi rau ntawm qhov hloov kho daim ntawv xaaj; hu rau koj lub chaw ua hauj lwm saib xyuas kev txiav nyiaj them yug me nyuam kom paub ntxiv.

## Tuav Cov Nyiaj Tau Los Tseg Cia

Wisconsin tsab cai lij choj hais kom yuav tsum muab cov nyiaj tau los ntawm hauj lwm (wages) tuav tseg cia tau them cov nyiaj them yug me nyuam. Cov nyiaj uas muab tuav tseg cia no yog muav siv mus them cov nyiaj them yug me nyuam uas tsis tau them yav dhau los, them rau lwm cov kev siv, los yog tus them nyiaj cov nqi. Qhov no yog siv rau cov nyiaj tau los tsis hais nyiaj dab tsi xws li nyiaj commissions, nyiaj poob hauj lwm, nyiaj raug mob tom hauj lwm, thiab nyiaj social security thiab nyiaj laus. Cov nyiaj SSI thiab cov nyiaj ntsuab W2 tsis poob rau qhov muab nyiaj tuav tseg cia no.

Tus tswv hauj lwm yuav tau txais ib daim ntawv xaaj kom tuav cov nyiaj cia tau los thiab muab qhov nyiaj uas xaaj kom them yug me nyuam txiav tawm ntawm qhov nyiaj hauj lwm raws li tus neeg ua hauj lwm lub sijhawm teem them nyiaj. Qhov nyiaj uas muab tuav tseg cia npaum cas ntawd kuj yuav txawv qhov uas daim ntawv xaaj tuaj ntawm tsev hais plaub vim qhov sib txawv ntawm lub sijhawm teem them nyiaj. Tab sis li cas los, qhov nyiaj uas muab tuav tseg cia tas nrho yuav tsum muaj npaum nkaus li qhov nyiaj tas nrho uas xaaj kom them rau lub xyoo los ntawm tsev hais plaub thiab yuav tsis pub kom ntau tshaj 50% mus rau 65% feem pua ntawm tus neeg ua hauj lwm qhov nyiaj (disposable income), nyob rau ntawm tus them nyiaj cov hauj lwm.

## Kev Th m Cov Nyiaj Yug Me Nyuam

Raws li tsev hais plaub daim ntawv xaaj thiab lub xeev tsab cai lij choj, yuav tsum them cov nyiaj mus rau hauv Wisconsin Support Collections Trust Fund (WI SCTF); cov neeg uas them ncaj qha mus rau tus tau txais qhov nyiaj (payee) yuav tsis tau credit tias nws them lawm. Cov neeg them nyiaj (payers) muaj lub luag hauj lwm them cov nyiaj mus rau hauv WI SCTF txhua lub sijhawm uas tsis tau muab lawv cov nyiaj ua hauj lwm tuav tseg cia. Yuav tsum muab cov nyiaj them xa nrog ib daim ntawv coupon. Hu rau lub chaw saib xyuas kev them nyiaj yug me nyuam hauv zos kom tau ib daim ntawv coupon los yog mus luam ib daim online.

## Kev Tau Txais Cov Nyiaj Th m

Wisconsin ua kom muaj qhov cia li them nyiaj yug me nyuam ncaj nraim mus rau ib lub tuam txhab tso nyiaj (direct deposit) tus as-khauj los yog muab ib daim npav debit card rau koj. Rau ntawm cov uas tsis muaj qhov tso nyiaj ncaj qha mus rau tuam txhab tso nyiaj no, kev them nyiaj yug me nyuam cia li siv daim npav debit card, uas muab siv tau mus yuav khoom, tau nyiaj ntsuab rov qab, los yog mus rho nyiaj hauv ib lub tub rho nyiaj ATM. Yog xav tau ib daim ntawv ua thov qhov tso nyiaj ncaj qha (application) mus rau tuam txhab tso nyiaj, mus rau ntawm <https://dcf.wisconsin.gov/cs/cp/pay/dd>.

Pub sij hawm li 30 hnuv thiaj tau cov nyiaj them tuaj ntawm cov tswv hauj lwm.

- Lub chaw ua hauj lwm saib xyuas kev txiav nyiaj them yug me nyuam yuav xa ib daim ntawv xaaj kom tuav nyiaj tseg cia tsis pub dhau 2 hnuv suav txij hnuv tau txais tsev hais plaub ntug daim ntawv xaaj los yog tom qab tau qhia tias muaj kev pauv hauv txoj hauj lwm.
- Tus tswv hauj lwm yuav tsum pib tuav qhov nyiaj them yug me nyuam tseg cia thaum pib them nyiaj thawj zaug tom qab txais tau tsab ntawv ceeb toom kom tuav qhov nyiaj tseg cia, ces mam xa qhov nyiaj mus rau WI SCTF tsis pub dhau 5 hnuv suav txij hnuv sau rau ntawm daim tshev them nyiaj hauj lwm.
- Yuav muab qhov nyiaj them los lis tib hnuv uas WI SCTF txais tau qhov nyiaj. Ces muab qhov nyiaj them mus rau tus tau txais qhov nyiaj (payee) tsis pub dhau hmo ntawd ces tom qab 2 hnuv ntxiv qhov nyiaj them ntawd yuav muaj nyob rau ntawm daim npa debit card los yog nyob hauv tus tau txais qhov nyiaj (payee) tus as-khauj hauv tuam txhab tso nyiaj.

**Xa Cov Nyiaj mus rau:**

WI SCTF  
Box 74200  
Milwaukee,  
WI 53274-0200

### Cov Nqi thiab Cov Nyiaj Txiaiv Tawm

Tus niam tus txiv uas them nyiaj: raws li txoj cai yuav tsub tus nqi \$65 txhua xyoo thaum lub 1 hlis (January) rau cov nqi lis ntaub ntawv uas hu ua cov nqi tau txais qhov nyiaj thiab them qhov nyiaj (receipt and disbursing, R&D). Ntxiv rau qhov no, cov tswv hauj lwm kuj yuav txiaiv tawm txog li \$3 rau txhua zaus uas tuav qhov nyiaj tseg cia los mus them cov nqi lis ntaub ntawv.

Tus niam tus txiv uas tau txais qhov nyiaj: yuav tsub tus nqi \$35 txhua xyoo rau cov niam cov txiv uas tau txais qhov nyiaj. Tus nqi no yuav muab tuav tseg cia tom qab tau txais txog \$550 nyiaj them yug me nyuam. Tab sis, cov niam cov txiv uas tab tom tau txais los yog tau txais cov nyiaj AFDC, nyiaj ntsuab W2, los yog nyiaj kinship care yav tas los yuav tsis raug tsub tus nqi \$35. Yog koj tau txais cov nyiaj pab no hauv lwm lub xeev, qhia rau lub chaw ua hauj lwm saib xyuas kev them nyiaj yug me nyuam uas muab koj daim ntawv xaaj tso rau hauv.

### Th m Nyiaj Th wj Zaug Daim Ntawv Coupon

Xa daim ntawv coupon nrog ib daim tshev los yog money order (them rau WI SCTF) rau qhov nyiaj uas them thawj zaug thiab tus nqi them txhua xyoo R&D. Sau koj tus KIDS PIN rau ntawm daim ntawv them nyiaj. Tej zaum koj thiab koj tus tswv hauj lwm kuj yuav tau txais cov ntawv them nyiaj coupons rau cov nyiaj uas yuav tau them yav tom ntej.

**Cov Siv Debit Card**

Hu rau 1-877-253-3656 mus qhia qhov chaw nyob tshiab. Lub tsev xa ntawv yuav tsis xa daim npav tshiab mus rau qhov chaw nyob tshiab.

**Thawj Zaug Them Qhov (Cov) Nyiaj Daim Ntawv Coupon**

**F**

**Tsev Hais Plaub Case Tus Naj Npawb** \_\_\_\_\_

**Npe** \_\_\_\_\_

**Social Security Tus Naj Npawb** \_\_\_\_\_

**KIDS PIN Tus Naj Npawb** \_\_\_\_\_

Them nyiaj rau zaum (period) no

\$ \_\_\_\_\_

\*Tus Nqi Them (R&D)

\$ **65.00\*** \_\_\_\_\_

Qhov Nyiaj Them Tas Nrho

\$ \_\_\_\_\_

Qhov nyiaj no yuav muab tso rau qhov court case teev saum toj no. \*Them nrog rau thawj zaug them nyiaj xwb. Qhov no yog tus nqi them rau lub xyoo lawm.

## Lub Chaw Saib Xyuas Kev Them Nyiaj Yug Me Nyuam Lub Luag Dej Num

Lub chaw saib xyuas kev them nyiaj yug me nyuam yog tus tsa kom muaj thiab yuam kom siv tsev hais plaub cov ntawv xaaj. Yog li nws tseem ceeb uas yuav tau hu cuag lub chaw ua hauj lwm uas lub tsev hais plaub muab daim ntawv xaaj kom thoob plaws lub sij hawm uas muaj qhov them nyiaj yug me nyuam. Nws kuj yuav muaj ntau yam hloov pauv ces cov neeg ua hauj lwm hauv lub chaw no yuav teb tau koj cov lus nug feem ntau los yog qhia lwm cov chaw uas yuav pab tau koj. Nws tseem ceeb rau koj los mus qhia txhua yam kev hloov pauv ntawm koj tam sid mus rau lub chaw ua hauj lwm no kom zam dhau qhov yuav muaj teeb meem ntxiv rau koj. Cov kev pab ntawm lub chaw ua hauj lwm no tsis muaj qhov ua hauj lwm txog cov kev hloov pauv qhov muaj cai saib xyuas tus me nyuam (custody) thiab muab qhov chaw nyob rau tus me nyuam (placement). Tsuas yog tsev hais plaub nkaus xwb thiab muaj cai ua tau thiab muaj lub luag hauj lwm xyuas txog ob qho teeb meem no.

## Qhia Cov Kev Pauv

**Ob tus niam thiab txiv yuav tsum qhia txhua yam uas muaj pauv tshiab mus rau lub chaw ua hauj lwm txiav nyiaj them yug me nyuam tsis pub dhau 10 hnuv tom qab muaj pauv chaw nyob tshiab, pauv txoj hauj lwm, kev tuav pov hwm kho mob (health insurance), los yog muaj pauv ntau heev ntawm cov nyiaj tau los.** Yog yuav qhia cov kev pauv no hu rau lub chaw ua hauj lwm txiav nyiaj them yug me nyuam uas muab tsev hais plaub daim ntawv xaaj tso rau hauv. Los yog mus saib CSOS ces muab qhov chaw nyob tshiab qhia online. Ib qho kev pauv cov nyiaj tau los yuav tsis cia li pauv qhov nyiaj uas daim ntawv xaaj kom them yug me nyuam. Tsuas yog tus kws txiav txim plaub ntug los yog tus kws court commissioner thiaj kho tau daim ntawv xaaj.

Lub Department of Children and Families yog ib lub chaw hauj lwm thiab chaw muab kev pab uas muaj vaj huam sib luag. Yog koj muaj ib qho tsis taus thiab xav tau kev pab, xav tau cov ntaub ntawv muab sau ua ib hom ntawv, los sis xav kom muab cov ntaub ntawv txhais ua lwm hom lus, thov hu rau Child Support at 608-422-6250. Cov neeg uas lag ntseg, hnov lus tsis zoo, dig muag los sis muaj ib qho tsis taus tshwj xeeb tuaj yeem siv tus xov tooj hu dawb Wisconsin Relay Service (WRS) – 711 hu mus rau lub chaw ua haujlwm.



Wisconsin Department of  
Children and Families